

Tuzla, 22.06.2020. godine

Broj: 309/20

Pozorište mladih Tuzle
Udruženje Mladi Tuzle

PREDMET: Preporuka i podrška inicijativi za osnivanje „Savremene umjetničke škole“ u Tuzli

Dragi partneri,

Ovim putem vam želimo ohrabriti i dati pozitivno mišljenje i snažnu preporuku za uspostavljanje Mješovite srednje „Savremene umjetničke“ škole u Tuzli, koja bi mnogo doprinijela školovanju naše djece i mladih iz oblasti dramskog odgoja.

Kroz dugogodišnju saradnju sa Pozorištem mladih Tuzla i Udruženjem „Mladi Tuzle“, imali smo priliku svjedočiti izuzetno profesionalnoj organizaciji i implementaciji velikog broja aktivnosti i projekata koje ste realizovali na području Grada Tuzle i drugim gradovima Tuzlanskog kantona.

Nekoliko projekata koje ste realizovali uz podršku Fondacije tuzlanske zajednice u periodu 2014-2019. godine, su ocjenjeni kao izuzetno efikasni i efektivni od strane monitoring tima. Samo kroz ove projekte ste imali preko 300 aktivista i 4000 krajnjih korisnika, a projekti su značajno doprinijeli promociji mira i prevencije nasilja kroz kreativne i umjetničke tehnike, te video materijale prilagođene djeci i mladima. Imajući ova iskustva u vidu, smatramo da su sve vaše aktivnosti u oblasti afirmiranja kulturno-umjetničkog stvaralaštva, izuzetno kvalitetne i potpuno usklađene sa potrebama djece i mladih u TK. Ovo dokazuje i činjenica da se broj vaših korisnika iz godine u godinu povećava, čime se ne može pohvaliti niti jedna organizacija mladih u TK.

S obzirom da je omladinski sektor u našim lokalnim zajednicama još uvijek slab i da treba stalnu u podršku u oblasti omladinskog liderstva, to smatramo da će vaši pristupi i metode u oblasti umjetničko-dramskog obrazovanja značajno doprinijeti stvaranju aktivnih, kreativnih i poduzetnih mladih osoba u našim lokalnim zajednicama.

Iskreno se nademo da će Ministarstvo obrazovanja i nauke TK pozitivno ocijeniti vašu inicijativu i u kratkom roku izdati saglasnost za uspostavljanje Mješovite srednje „Savremene umjetničke“ škole u Tuzli.

Srdačan pozdrav,



Jasna Jašarević
Izvršna direktorica